

اتوار 8 فروری، 2026

مضمون۔ روح

سنہری متن: استثنا 4 باب 36 آیت

”اوپنے اپنی آواز آسمان وچوں تینوں سنائی تاں جو تینوں تربیت کرے۔“

جوابی پڑھائی: کلیسیوں 1 باب 3، 9 توں 13 آیتاں

3۔ اسی تہاڈے واسطے سدا دعا کر کے اپنے خداوند یسوع مسیح دے باپ مطلب رب دا شکر کرنے واں۔

9۔ ایس لئی جیس دن توں ایہہ سنیا اے اسی وی تہاڈے لئی ایہہ دعا کرن تے درخواست کرن توں باز نہیں آؤندے پئی تسی کمال روحانی سیان تے سمجھ نال اوہدی مرضی دے علم نال معمور ہو جاو۔

10۔ تاں جو تہاڈا چال چلن خداوند دے لائق ہووے تے اوہنوں ہر طراں پسند آوے تے تہاڈے وچ ہر طراں دے نیک کم دا پھل لگے تے رب دی پچھان وچ ودھ دے جاو۔

11۔ تے اوہدے جلال دی قدرت دے مطابق ہر طراں دی قدرت توں طاقت والے ہندے جاو تاں جو خوشی نال ہر صورت وچ صبر تے تحمل کر سکو۔

12۔ تے باپ دا شکر کر دے رہو جنسے ساہنوں ایس لائق کیتا پئی نور وچ مقدساں دے نال حصہ پائیے۔

13۔ اوہنے ای ساہنوں ہنیرے دے قبضے توں چھڑا کے اپنے لاڈلے پتر دی بادشاہی وچ داخل کیتا۔

درسی وعظ

بائبل وچوں

1۔ ایوب 32 باب 8 (اوتھے) آیت

8۔۔۔ انسان وچ روح اے تے قادر مطلق دادم خرد بختدا اے۔

2۔ یسعیاہ 64 باب 4 (جدوں توں) آیت

4۔۔۔ کیوں جے شروع توں ای نہ کسے نے سنیا تے نہ کسے دے کن تیکر اڑیا تے نہ اکھیاں نے تیرے سوکے اجیہے ربنوں ویکھیا جیہڑا اپنی اڈیک کرنے والے لئی کجھ کر کے دکھاوے۔

3۔ حزقی ایل 11 باب 16 (ایخ) (توں:،) 19 (میں پانواں گا) (توں:،) 20، 21 آیتاں

- 16- ایس لئی تو آکھ خداوند رب ایخ آکھدا اے،
- 19- میں نویں روح تھاڑے باطن وچ پانواں گا،
- 20- تاں جو اوہ میرے آئین اُتے ٹرن تے میراں حکماں اُتے عمل کرن تے اوہناں اُتے کار بند ہوون تے اوہ میرے لوکی ہوون گے تے میں اوہناں دارب ہوواں گا۔
- 21- پر جنہاں دادل اپنیاں نفرت والیاں تے مکروہ شیواں دا طالب ہو کے اوہناں دے مگر جاندا اے اوہناں دا باپ خداوند آکھدا اے پئی میں اوہناں دی روش نوں اوہناں دے سر اُتے ای لیاواں گا۔

4- 1 سیموئیل 3 باب 1 توں 11، 19، 20 آیتاں

- 1- تے منڈا سیموئیل عیسی دے سامنے خداوند دی سیوا کر داسی تے اوہناں دناں وچ خداوند دا کلام بوہت قیمتی سی۔ کوئی رویا نہیں سی ہندی۔
- 2- تے اوس ویلے ایخ ہو پئی جد عیسی اپنی تھاں تے لمے پیا ہو پئی سی۔ اوہ دیاں اکھیاں دھندلان لگ گیاں سی۔ تے اوہ کجھ ویکھ نہیں سی سکدا۔
- 3- تے رب دا دیواہ ہلے تیکر بجھیا نہیں سی تے سیموئیل خداوند دی ہیکل وچ جھتے رب دا صندوق سی لمے پیا ہو پئی سی۔
- 5- تے اوہ دوڑ کے عیسی دے کول گیا تے آکھیا تو مینوں بلایا اے ایس لئی میں حاضر آں۔ اوہنے آکھیا میں نہیں بلایا۔ جا ملے پے جا۔ ایس لئی اوہ جا کے لمے پیا گیا۔
- 6- تے خداوند نے فیر بلایا سیموئیل، سیموئیل اٹھ کے عیسی دے کول گیا تے آکھیا تو مینوں بلایا اے ایس لئی میں حاضر آں اوہنے آکھیا اے میرے پتر میں نہیں بلایا۔ جا ملے پے جا۔
- 7- تے سیموئیل نے ہلے خداوند نوں نہیں پچھنا سی تے نہ خداوند دا کلام اوہدے اُتے ظاہر ہو پئی سی۔

- 8- فیر خداوند نے تیجی واری سیموئیل نوں بلایا تے اوہ اٹھ کے عیسیٰ دے کول گیا تے آکھیا تو مینوں بلایا اے ایس لئی میں حاضر آں۔ تہ عیسیٰ سمجھ گیا پئی خداوند نے اوس منڈے نوں بلایا اے۔
- 9- ایس لئی عیسیٰ نے سیموئیل نوں آکھیا جاملے پیارہ تے جے اوہ تینوں بلاوے تے توں آکھیں اے خداوند دس کیوں جے تیرا بندہ سُن دا اے۔ ایس لئی سیموئیل اپنی تھاں تے جا کے لمے پے گیا۔
- 10- تہ خداوند کھلوتا تے پہلے وانگر بلایا سیموئیل! سیموئیل! سیموئیل! سیموئیل نے آکھیا دس کیوں جے تیرا بندہ سُن دا اے۔
- 11- خداوند نے سیموئیل نوں آکھیا ویکھ میں اسرائیل وچ اجیہا کم کرن نوں واں جیدے بارے ہر سنن والے دے کن لال ہو جان گے۔
- 19- تے سیموئیل وڈھا ہندا گیا تے خداوند اودے نال سی تے اوہنے اوہدیاں گلاں وچوں کسے نوں مٹی وچ نہ ملن دتا۔
- 20- تے سارے بنی اسرائیل نے دان توں بیر سبع تیکر جان لیا پئی سیموئیل خداوند انبی مقرر ہو گیا۔

5- یسعیاہ 30 باب 21 آیت

21- تے جدوں توں سچے یا کھبے پاسے مڑیں تے تیرے کن پچھوں ایہہ آواز سنن گے پئی راہ ایہہ ای اے ایہدے اُتے تڑ۔

6- 1 کرنتھیوں 1 باب 1 (توں دو جی،) آیت

1- پولوس جیہڑا رب دی مرضی نال یسوع مسیح دارسول ہوون لئی بلایا گیا

7- 1 کرنتھیوں 2 باب 1 (میں، پراوں) توں 7، 9، 16 آیتاں

- 1- تے اے بھراو! جد میں تہاڈے کول آیتے تہاڈے وچ رب دے بھیدی منادی کرن لگیا تے ودھیا تقریر یا حکمت نال نہیں آیا۔
- 2- کیوں جے میں ایہہ ارادہ کر لیا سی پی تہاڈے وچالے یسوع مسیح بلکہ مسیح مصلوب دے سواہور کجھ نہ جاناگا۔
- 3- تے میں کمزوری تے ڈرتے بوہت تھر تھر کرن دی حالت وچ تہاڈے کول رہیا۔
- 4- تے میری تقریر تے میری منادی وچ حکمت دیاں چنگیاں لگن والیاں گلاں نہیں سی بلکہ اوہ روح تے قدرت دے نال ثابت ہندیاں سی۔
- 5- تاں جو تہاڈا ایمان انسان دی حکمت اُتے نہیں بلکہ رب دی قدرت اُتے موقوف ہووے۔
- 6- فیروی کمالاں وچ اسی سیان دیاں گلاں آکھدے آں پراں جہان دے تے اوس جہان دے برباد ہوون والے سرداراں دی سیان نہیں۔
- 7- بلکہ اسی رب دی اوہ پوشیدہ سیان بھید دے طور تے بیان کردے آں جیہڑی رب نے جہان دے شروع توں ساڈے جلال توں وی پہلاں مقرر کیتی سی۔
- 9- بلکہ جیویں لکھیا اے اونج ای ہوئیا جیہڑیاں شیواں نہ اکھیاں نے ویکھیاں نہ کناں نے سنیاں نہ بندے دے دل وچ آئیاں۔ اوہ ساریاں رب نے اپنے پیار کرن والیاں لئی تیار کردتیاں۔
- 10- پر ساڈے اُتے رب نے اوہناں نوں روح دے راہیں ظاہر کیتا کیوں جے روح ساریاں گلاں بلکہ رب دیاں تہہ دیاں گلاں وی لہجہ لیندا اے۔
- 11- کیوں جے انساناں وچوں کون کسے انسان دیاں گلاں جان دا اے سوائے اوس انسان دی اپنی روح دے جیہڑی اوہدے وچ اے؟ ایسے طراں رب دے روح دے سوا کوئی رب دے روح دیاں گلاں نہیں جان دا۔

- 12- پر اسی نہ جگہ دابلکہ اوہ روح پایا اے جیہڑا رب ولوں اے تاں جو اوہناں گلاں نوں جانے جیہڑیاں رب نے ساہنوں دتیاں نیں۔
- 13- تے اسی اوہناں گلاں نوں اوہناں لفظاں وچ نئیں دس دے جیہڑے انسانی سیان نے ساہنوں سکھائے ہوون بلکہ اوہناں لفظاں وچ جیہڑے روح نے سکھائے نیں تے روحانی گلاں دارو حانی نال مقابلہ کر دے آں۔
- 14- پر نفسانی بندہ رب دے روح دیاں گلاں نئیں من دا کیوں جے اوہ اوہدے لئی بے وقوفی دیاں گلاں نیں تے نہ اوہ اوہناں نوں سمجھ سکد اے کیوں جے اوہ روحانی طور تے پرکھیاں جان دیاں نیں۔
- 15- پر روحانی بندہ ساریاں گلاں نوں پرکھ لیندا اے پر آپ کسے توں پرکھیا نئیں جاندا۔
- 16- رب دی سیان نوں کہنے جانیا اے پئی اوہنوں تعلیم دے سکے؟ پر ساڈے وچ مسیح دی سیان اے۔

8- 1 یوحنا 5 باب 6 (تے ایہہ) آیت

6- تے جیہڑا گواہی دیندا اے اوہ روح اے کیوں جے روح سچیاں اے۔

سائنس تے صحت

1- 124:25-26 (توں پہلی۔)

روح ساریاں شیواں دی حیاتی، مواد تے لگاتاری اے۔

2- 467:3(دی)-7

ایس سائنس دا پہلا مطالبہ ایہہ اے پئی ”توں میرے حضور غیر معبوداں نوں نہ منیں۔“ لہذا ایس حکم دا مطلب اے ایہہ: توں میرے سامنے نہ کوئی ذہانت، نہ حیاتی، نہ مواد، نہ سچیائی، نہ محبت رکھیں سو اے اوہدے جیہڑا روحانی اے۔

3- 505:2-16

روح اوس فہم توں آگاہ کردی اے جیہڑی شعور نوں اچا کردی تے سچیائی ول راہنمائی دیندی اے۔ زبور دے لکھاری نے آکھیا: ”بحراں دی آواز توں۔ سمندر دیاں زبردست چھلاں توں وی خداوند اچا تے قادر اے۔“ روحانی حس روحانی نیکی دا شعور اے۔ فہم اصلی تے غیر اصلی دے وچکار حد بندی دی لکیر اے۔ روحانی فہم سیان، یعنی حیاتی، سچیائی تے محبت نوں کھولدا اے تے الہی حس نوں کر سچن سائنس وچ سنسار دار روحانی ثبوت دیندیاں ہوئے، ظاہر کردا اے۔

ایہہ فہم شعوری نہیں اے، محققانہ حاصلاتاں دا نتیجہ نہیں اے؛ ایہہ چائن وچ لیاندیاں ہوئے ساریاں شیواں دی اصلیت اے۔ رب دا تصور لافانی، لاختلا، لامحدود دی عکاسی کردا اے۔ فانی، خطا کار تے محدود انسانی عقیدے نیں، جیہڑے اپنے آپ لئی اجیے کم ونڈ دے نیں جیہڑے اوہناں لئی ناممکن ہوون، جیہڑے سچیائی تے جھوٹ دے وچالے اڈھ کردے نیں۔

4- 266:5-27(توں پہلی)-

انسان روح دا خیال اے۔ اوہ خوبصورتی دے ہوون دی عکاسی کردا اے، سنسارنوں لوناں روشن کردا اے۔ انسان بے موت، روحانی اے۔ اوہ پاپ یا کمزوری توں اُچا اے۔ اوہ ویلے دیاں رکاوٹاں نوں پار کر کے ہمیشہ لئی حیاتی دی وسعت وچ نئیں آؤندا بلکہ اوہ رب تے سنسار دے نال نال ای رہندا اے۔

مادی فہم دی ہر شے فنا ہو جاوے گی پر روحانی خیال جید امداد سیان وچ اے اوہ ہمیشہ دا اے۔ رب دی اولاد مادے یا عارضی خاک توں شروع نئیں ہندی۔ اوہ روح، الہی سیان وچ نئیں، تے ایسے طراں ہمیشہ جاری رہندے نیں۔

5- 1:70 (لاناں)۔9

انسان دا وجود اک معمہ اے۔ ہر دیہاڑا اک بھیدا اے۔ بدنی حساں دی گواہی ساہنوں ایہدے توں واقف کر سکدی اے جو کجھ اصلی تے جو کجھ فریبی اے۔ پر کر سچن سائنس دے انکشاف سپیائی دے خزانیاں نوں کھول دیندے نیں۔ جو کجھ وی جھوٹا پاپ آلودا اے اوہ کدی وی روح دی فضا وچ نئیں وڑھ سکدا۔ ایہتھے بس اک ای روح اے۔ انسان کدی رب نئیں ہندا، بلکہ روحانی انسان، رب دی صورت اُتے پیدا ہندیاں ہوئے، رب دا پر چھانوواں بن دا اے۔ ایس سائنسی پر چھانوویں وچ انا تے باپ غیر منفق نیں۔

6- 1:71 (توں پہلی)۔5-9

کجھ وی اصلی تے ابدی نئیں اے، کجھ وی روح نئیں اے، سوائے رب تے اوہدے خیال دے۔

ساری اصلیت دی پچھان یا خیال ہمیشہ جاری رہندی اے؛ پر روح یا ساریاں دا الہی اصول، روح دیاں بناوٹاں نئیں۔
جان روح، رب، خالق، حکمران محدود شکل توں باہر لا محدود اصول دے اُلٹ اے، جیہڑا صرف عکس دی تشکیل کردا
اے۔

7 - 5-2:346

جد انسان دے بارے رب دی صورت اُتے بنیا ہو یا آکھدا ا جاندا اے، تے پاپ آلودہ تے بیمار فانی بندہ نئیں اے جیہڑا
حوالہ دتا جاندا اے، بلکہ ایہہ اوہ مثالی بندہ اے، جیہڑا رب دی شبیہ دا پر چھانواں بن دا اے۔

8 - 31-1،12-9:258

انسان اپنے اندر اک دماغ رکھدیاں ہوئے مادی صورت توں کترے ودھ کے اے، جنہوں لافانی رہن لئی اپنے ماحول توں
بچ کے رہنا چاہیدا اے۔ انسان ابدیت دا پر چھانواں اے، تے ایہہ پر چھانواں رب دا اصلی خیال اے۔

روحانی حس دے پاروں تسی الوہیت دے دل نوں پچھان سکدے اوہ، تے ایہ سائنس وچ عمومی اصطلاح انسان نوں
سمجھ سکدے او۔

9 - 4-1:585

کن۔ ناں دیاں ای بدنی حساں دے حصے نئیں، بلکہ روحانی سمجھ۔

روحانی شعور دا حوالہ دیندیاں ہوئے یسوع نے آکھیا، ”کن ہے نیں تے تسی سُن دے نئیں؟“ (مرقس 8 باب 18 آیت)۔

10 - 11:5:405

روح یعنی رب نوں تہ سنیا جاندا اے جدوں حساں چُپ ہوون۔

11 - 15:14:308

روح توں بھرے بزرگاں نے سچائی دی آواز سنی، تے اوہناں نے رب دے نال او سے طراں ای گل کیتی جیویں انسان انساناں دے نال گل کردا اے۔

12 - 28-6،10-3:84

پرانے نبیاں نے اپنی پیش بینی اک روحانی، غیر جسمانی نقطہ نظر توں حاصل کیتی نہ کہ بدی دی پیشین گوئی کرن تے کسے افسانے نوں غلط اصلیت بناؤن نال کیتی، نہ ای انسانی عقیدے تے مادے دے بنیادی کم نال مستقبل دی پیشین گوئی

کرن نال کیتی۔ جدوں ہستی دی سچائی نال ہم آہنگی لئی سائنس وچ بوہت ترقی کیتی، تے انسان غیر ارادی طور تے غیب دان تے نبی بن گیا، جیہڑا بھوتوں، بدروحاں یا نیم دیوتوں دے اختیار وچ نہیں بلکہ واحد روح دے قابو وچ سی۔

اسی سارے ٹھیک طور نال جان دے آں پئی روح رب یعنی الہی اصول و لوں آؤندی اے تے ایہدی تعلیم مسیح تے کر سچن سائنس دے راہیں ملدی اے۔ جے ایس سائنس نوں چنگی طراں سکھیاتے مناسب طور تے سمجھیا گیا اے تے اسی ایہدے توں کتر چنگے طریقے نال سچائی نوں جان سکدے آں جنہاں کوئی فلکیات دا ماہر تاریاں نوں پڑھ سکد ایلکسے گرہن دا اندازہ لاسکد اہو وے۔

ایہہ ذہن خانی غیب بینی دے بالکل الٹ اے۔ ایہہ روحانی سیان دی لو اے جیہڑی روح دی صلاحیت نوں ظاہر کردی اے نہ کہ مادی حس دی۔ ایہہ روحانی حس انسانی سیان وچ اوس ویلے آؤندی اے جدو جی دسی ہوئی الہی سیان نوں من لیندی اے۔

13- 29-17:301

جیویں پئی رب اصل اے تے انسان الہی شکل و صورت اے، تے انسان نوں صرف چنگیائی دے اصل، روح دے اصل نہ پئی مادے دی خواہش رکھنی چاہیدی اے تے حقیقت وچ ایہی ہونیا اے۔ ایہہ عقیدہ روحانی نہیں اے پئی انسان دے کول دو جامواد یا سیان اے، تے ایہہ پہلے حکم نوں توڑدا اے پئی توں اک رب، اک سیان نوں منیں۔ مادی انسان اپنے آپ نوں مادی دکھالی دیندا اے، جد کہ انسان ”شبیہ“ (خیال) اے۔ فریب نظری، پاپ، بیماری تے موت مادی فہم دی جھوٹی گواہی توں جنم لیندے نیں، جیہڑی لامحدود روح دے مرکزی فاصلے توں باہر اک فرضی نظریے توں سیان تے اصل دی مڑی ہوئی تصویر پیش کردی اے، جیدے وچ ہر شے اتوں لے کے بیٹھاں تیکر پٹھی ہوئی ہندی اے۔

14- 10-5:210

مسیحت دا اصول تے ثبوت روحانی فہم دے پاروں سمجھے جان دے نیں۔ ایہناں نوں یسوع دے اظہار دے سامنے رکھیا جاندا اے، اوہدے بیمار نوں شفا دین، بدر و حواں نوں کڈھن تے اوہ موت یعنی جیہڑا ”سب توں پچھلا ویری اے جنہوں برباد کیتا جاوے گا“، ایہنوں برباد کرن دے پاروں مادے تے ایہدے نام نہاد قانوناں لئی اوہدی لاپرواہی دکھاؤندے نیں۔

15- 29-23:99

سچی روحانیت دے پُر سکون، مضبوط دھارے، جنہاں دے اظہار صحت، پاکیزگی تے اپنے آپ دی قربانی نیں، ایہناں نوں اوس ویلے تیکر انسانی تجربے نوں گہرا کرنا چاہیدا اے جدوں تیکر مادی وجودیت دے عقیدے واضح مسلط ہندیں و کھالی نیں دیندے تے پاپ، بیماری تے موت روحانی الوہیت دے سائنسی اظہار تے رب دے روحانی، کامل انسان نوں تھان نیں دیندے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنناں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔